

ধ্বনি ও বর্ণ

স্বরধ্বনি:যে সকল ধ্বনি উচ্চারণের সময় ফুসফুস-তাড়িত বাতাস বেরিয়ে যেতে মুখবিবরের কোথাও কোনো প্রকার বাধা পায় না,তাদেরকে বলা হয় স্বরধ্বনি। যেমন-অ,আ,ই,উ ইত্যাদি।

ব্যঞ্জনধ্বনি:যে সকল ধ্বনি উচ্চারণের সময় ফুসফুস-তাড়িত বাতাস বেরিয়ে যেতে মুখবিবরের কোথাও না কোথাও কোনো প্রকার বাধা পায় কিংবা ঘর্ষণ লাগে, তাদেরকে বলা হয় ব্যঞ্জন ধ্বনি। যেমন-ক,খ,গ,ঘ,ঙ ইত্যাদি।

স্বরবর্ণ: স্বরধ্বনি দ্যোতক লিখিত সাংকেতিক চিহ্নকে বলা হয় স্বরবর্ণ। যেমন-অ,আ,ই,উ,ঐ ইত্যাদি।

ব্যঞ্জনবর্ণ: ব্যঞ্জনধ্বনি দ্যোতক লিখিত সাংকেতিক চিহ্নকে বলা হয় ব্যঞ্জনবর্ণ। যেমন- ক,খ ইত্যাদি।

মৌলিক স্বরধ্বনি:যে স্বরধ্বনিকে আর বিশ্লেষণ করা যায় না, তাকে মৌলিক স্বরধ্বনি বলে। মৌলিক স্বরধ্বনির সংখ্যা ৭টি। যেমন- অ, আ, অ্যা, ই, উ, ও, ঊ।

যৌগিক স্বরধ্বনি:পাশাপাশি দুটি স্বরধ্বনি থাকলে দ্রুত উচ্চারণের সময় তা একটি সংযুক্ত স্বরধ্বনি রূপে উচ্চারিত হয়। এরূপে একসঙ্গে উচ্চারিত দুটো মিলিত স্বরধ্বনিকে যৌগিক স্বরধ্বনি বলে। যৌগিক স্বরধ্বনিকে দ্বি-স্বর, সন্ধিস্বর, যুগ্মস্বর,সাক্ষ্যস্বর, সংযুক্ত স্বরধ্বনি ও মিশ্র স্বরধ্বনি ইত্যাদি নামেও অভিহিত করা হয়ে থাকে। যেমন- অ+ই=অই (বই), অ+উ=অউ(বউ) ইত্যাদি। বাংলা যৌগিক স্বরধ্বনি ২৫টি।

বাংলা যৌগিক স্বরবর্ণ ২টি। যেমন- ঐ(অ+ই), ঔ(অ+উ)।

অর্ধস্বর ধ্বনি:যে স্বরধ্বনি নিজে পূর্ণ সিলেবল গঠন করতে পারে না, কিন্তু সিলেবল গঠনে সহায়তা করে, তাকে অর্ধস্বর ধ্বনি বলে। অর্ধস্বর ধ্বনি চারটি। ই, উ, এ, ও-এ গুলো অর্ধস্বর ধ্বনি।

বর্ণীয় ধ্বনি:বাংলা বর্ণমালায় প্রথম ২৫টি বর্ণকে ৫টি গুচ্ছ বা বর্ণে ভাগ করা হয়েছে। এগুলোকে বলা হয় বর্ণীয়বর্ণ। আর বর্ণীয় বর্ণের ধ্বনিকে বলা হয় বর্ণীয় ধ্বনি। প্রতিটি বর্ণ তার প্রথম বর্ণের নামে পরিচিত। যেমন- ক-বর্ণ, খ-বর্ণ, গ-বর্ণ, ঘ-বর্ণ, ঙ-বর্ণ।

১) **কণ্ঠব্যঞ্জন বা জিহ্বামূলীয় ব্যঞ্জন:**জিভের পেছন দিক (জিহ্বামূল) উঁচিয়ে কোমল তালু স্পর্শ করে যে ব্যঞ্জনধ্বনি উচ্চারিত হয় তাকে কণ্ঠব্যঞ্জন বা জিহ্বামূলীয় ব্যঞ্জন বলে। ক,খ,গ,ঘ,ঙ- এ শ্রেণির ব্যঞ্জন।

২) **তালব্য ব্যঞ্জন:** জিভের প্রসারিত সম্মুখভাগ শক্ত তালুকে স্পর্শ করে যে ব্যঞ্জন ধ্বনি উচ্চারিত হয় তাকে তালব্য ব্যঞ্জন বলে। চ,ছ,জ,ঝ,শ তালব্য ব্যঞ্জন।

৩) **মূর্ধন্য ব্যঞ্জন:** জিভের ডগা উল্টে মূর্ধা (শক্ত তালুর সবচেয়ে উপরের অংশ) স্পর্শ করে যে ধ্বনি উচ্চারিত হয় তাকে মূর্ধন্য ব্যঞ্জন বলে। ট,ঠ,ড,ঢ,ণ - এ শ্রেণির ব্যঞ্জন।

৪) দন্ত্য ব্যঞ্জন: জিভের প্রসারিত ডগা ওপর পাটির দাঁতের পেছনের অংশ স্পর্শ করে যে ধ্বনি উচ্চারিত হয় তাকে দন্ত্য ব্যঞ্জন বলে। ত, থ, দ, ধ-এ শ্রেণির শব্দ।

৫) ওষ্ঠ্য ব্যঞ্জন: জিহ্বা সম্মুখে প্রসারিত হয়ে এবং অগ্রভাগ ওপরের দাঁতের পাটির গোড়ার দিকে স্পর্শ করে যে ধ্বনি উচ্চারিত হয়, তাকে ওষ্ঠ্য ব্যঞ্জন ধ্বনি বলে। প, ফ, ব, ভ, ম-এ শ্রেণির ব্যঞ্জন।

৬। অঘোষ ধ্বনি: যে ধ্বনি উচ্চারণের সময় স্বরতন্ত্রী অনুরণিত হয় না, তাকে বলা হয় অঘোষ ধ্বনি। যেমন-ক, খ, চ, ছ ইত্যাদি।

৭। ঘোষ ধ্বনি: যে ধ্বনি উচ্চারণের সময় স্বরতন্ত্রী অনুরণিত হয়, তাকে বলে ঘোষ ধ্বনি। যেমন-গ, ঘ, জ, ঝ ইত্যাদি।

৮। অল্পপ্রাণ ধ্বনি: যে ধ্বনি উচ্চারণের সময় বাতাসের চাপের স্বল্পতা থাকে, তাকে বলে অল্পপ্রাণ ধ্বনি। যেমন-ক, গ, চ, জ ইত্যাদি।

৯। মহাপ্রাণ ধ্বনি: যে ধ্বনি উচ্চারণের সময় বাতাসের চাপের আধিক্য থাকে, তাকে বলে মহাপ্রাণ ধ্বনি। যেমন-খ, ঘ, ছ, ঝ ইত্যাদি।

১০। স্পর্শধ্বনি: যে ব্যঞ্জনধ্বনি উচ্চারণের সময় বাতাস মুখবিবরের কোথাও না কোথাও বাধা পেয়ে যায় এবং বাধা পেয়ে স্পষ্ট হয়, তাকে স্পর্শ বা স্পৃষ্টধ্বনি বলে। ক থেকে ম পর্যন্ত এ পঁচিশটিকে স্পর্শধ্বনি বলে।

১১। উষ্মধ্বনি: শ, ষ, স, হ- এ চারটি বর্ণে দ্যোতিত ধ্বনি উচ্চারণের সময় আমরা শ্বাস যতক্ষণ খুশি রাখতে পারি। এগুলোকে বলা হয় উষ্ম বা শিশধ্বনি। বর্ণ হিসেবে এ গুলোকে বলা হয় উষ্মবর্ণ।

১২। ঘৃষ্ট ব্যঞ্জন ধ্বনি: শ্বাসবায়ু নির্গমনের পথ পুরোপুরি রুদ্ধ করে তারপর ঘর্ষণসহ ছেড়ে দিয়ে যে ধ্বনি উচ্চারিত হয়, তাকে ঘৃষ্ট ব্যঞ্জন ধ্বনি বলে। চ, ছ, জ, ঝ-ঘৃষ্ট ব্যঞ্জনের পর্যায়ে পড়ে।

১৩। তাড়নজাত ধ্বনি: জিভের ডগা প্রতিবেষ্টিত হয়ে অগ্রতালুতে কম্পনসহ তাড়না বা আঘাত করে যে ধ্বনি উচ্চারিত হয়, তাকে বলা হয় তাড়নজাত ধ্বনি। ড়, ঢ়- এ জাতীয় ব্যঞ্জন।

১৪। কম্পনজাত বা রণিত ব্যঞ্জন ধ্বনি: জিহ্বা তালু স্পর্শ করতে গিয়ে শ্বাসবায়ুতে কাঁপন তুলে যে ব্যঞ্জনধ্বনি উচ্চারিত হয়, তাকে কম্পনজাত বা রণিত ব্যঞ্জন ধ্বনি। র- রণিত বা কম্পন ব্যঞ্জন।

১৫। পার্শ্বিক ব্যঞ্জন: যে ধ্বনি উচ্চারণের সময় জিভের ডগা তালু স্পর্শ করে এবং শ্বাসবায়ু জিভের দুপাশ দিয়ে বের হয়, তাকে পার্শ্বিক ব্যঞ্জন বলে। বাংলায় ল একমাত্র পার্শ্বিক ব্যঞ্জন।

১৬। কণ্ঠনালীয় ব্যঞ্জন: কণ্ঠনালীর পেশি সংকোচ করে দুটি স্বরতন্ত্রীর স্পর্শে যে ধ্বনি উচ্চারিত তাকে কণ্ঠনালীয় ব্যঞ্জন বলে। হ-এ শ্রেণির ব্যঞ্জন।

১৭। নাসিক্য ব্যঞ্জন: যে ব্যঞ্জনধ্বনির উচ্চারণে শ্বাসবায়ু মুখ বিবরের রুদ্ধপথে বের হতে না পেরে নাসাপথে বের হয় তার নাম নাসিক্য ব্যঞ্জন। ঙ, ঞ, ণ, ন, ম-এ শ্রেণির ব্যঞ্জন।

- মাত্রাহীন বর্ণ: বাংলা বর্ণমালায় মাত্রাহীন বর্ণ ১০টি। যেমন-এ, ঐ, ও, ঔ, ঙ, ঞ, ণ, ন, ম, ঙ্গ
- অর্ধমাত্রার বর্ণ: বাংলা বর্ণমালায় অর্ধমাত্রার বর্ণ ৮টি।। যেমন-খ, গ, ণ, থ, ধ, প, শ

- পূর্ণমাত্রার বর্ণ: বাংলা বর্ণমালায় পূর্ণমাত্রার বর্ণ ৩২টি।
- কার:স্বরবর্ণের সংক্ষিপ্ত রূপকে বলে কার। কার ১০টি। আ-কার(া), ই-কার(ি),ঈ-কার(ী),উ-কার(ু),
উ-কার (ূ), ঋ-কার (ৃ), এ-কার(ে), ঐ-কার(ৈ),ও-কার(ৌ), ঔ-কার(ৌ)-এগুলো কার চিহ্ন। বাংলা
বর্ণমালায় অ এর কোনো সংক্ষিপ্ত রূপ নেই।
- ফলা: ব্যঞ্জনবর্ণের সংক্ষিপ্ত রূপকে ফলা বলে। ফলা ৬টি। যেমন- ম-এ-য ফলা=ম্য, ম-এ-ও
ফলা=ম্ম,ম-এ-ল-ফলা=ল্ম, ম-এ-ব-ফলা=ম্ব ইত্যাদি